

摩登伽經



二百八十五
言四

49605



光緒九年丙子二月日重脩

皇朝國子監
庶常
高

佛日增輝
懋合
輪常轉

山城州天安寺法金剛院置

Large stylized seal or stamp, possibly containing the characters '法印' (Seal of the Dharma) in a highly decorative, geometric font.

摩登伽經卷下

吳沙門竺律炎共優婆塞支謙譯

觀災祥品之二



帝勝伽言仁者當聽我今復說月在眾星所
應為事月在昴宿應為祭祀受於爵位晉蓋

屋瓦買眾雜言調習牛馬作金石器造為渾

室宜殖形華建立牆壁遷居洗浴著新淨衣

不宜織綬諍訟繫閉應修道路宜為金銀銅



鐵之器其日若雨必不周徧是日生者性多

躁急武毅長壽勤於祭祀月在畢星宜應耕

墾婚姻蓋宅出財調獸裁衣等事不宜債斂

用戰造酒其日雨吉生者慈悲多慈貧味豐

有財物壽命延長月在觜星宜為市會遣使
塗舍殖樹造蓋建殿治路著弊故衣瑩飾瓔
珞宜祭神祇其日有雨普皆周徧生者怯弱
好眠多慾聰慧有智月在參星宜應債斂治
井河渠買於犉牛壓脂造酒及竿耳蔗甚忌
凶事其日雨水必流溢生者好田性耳肉
味月在井星定造瓶器剃髮受戒移處異居
不應進藥其日雨吉若有生者多欲少食好
為衆事月在鬼星宜服妙藥著新淨衣洗浴
祭祀置立臣佐貫身瓔珞剃髮造蓋此日生
者為人賢善壽命延長月在柳宿宜建凶事
造牆布肆堰水立橋其日若雨多有凶災也後

雨減少此日生者性多弊惡好狂短壽月在
七星宜殖雜穀立倉和怨種芸造犁祭祀尊
靈其日有雨秋必成實若有生者愛親好慾
長命多食鬪戰必勝不宜凶事月在張宿宜
造瓔珞著新淨衣種殖果木造立市肆宜爲

善事晉宅雇人此日生者少髮端正其日有

雨秋多成實月在翼宿一切事吉是日生者
端嚴殊特聰慧強識亡失還得其日有雨秋
稼成熟月在軫宿一切皆吉宜調象馬授官
造池不愁竊盜其日有雨必多流溢生者勇
健盜而多知長壽少病月在角宿宜當裁衣
造於瓔珞閱軍布陣檢藏倉庫服樂器習乘

雨減少此日生者性多弊惡好睡短壽月在
七星宜殖雜穀立倉和怨種芸造犁祭祀尊
靈其日有雨秋必成實若有生者愛親好慾
長命多食鬪戰必勝不宜凶事月在張宿宜
造瓔珞著新淨衣種殖果木造立市肆宜為
善事晉宅雇人此日生者少髮端正其日有

雨秋多成實月在翼宿一切事吉是日生者
端嚴殊特聰慧強識亡失還得其日有雨秋
稼成熟月在軫宿一切皆吉宜調象馬授官
造池不愁竊盜其日有雨必多流溢生者勇
健盜而多知長壽少病月在角宿宜當裁衣
造於瓔珞閱軍布陣檢藏倉庫服樂器習乘

船作伎樂營素盡其日有雨必不周徧此日
生者聰明多智善能瞻相恒好田獵性多輕
躁壽命長久情好貪慾月在亢宿宜調魚馬
造於樂器婚娉嫁娶不宜出外追逐怨惡其
日有雨後必多風此日生者聰明多疾性剛
武勇月在玄星宜為種殖果及稻麻造舍洗
浴不宜殖豆其日若雨於後少水此日生者端正
多知少於繼嗣躁性貪味喜樂善人月在房宿日宜
出財物亡者易獲其日生者多瞻親戚樂行
福業此日有雨必當暴漲月在心宿宜登天
位建立城邑官事通易亡者難獲其日生者
必為天子多知長壽通達經論調伏為馬宜

立宰守被傷者死不宜凶事其日雨吉月在
尾宿宜種果菜債斂祭祀療治衆病身服瓔
珞餘者皆凶宜造酒孽其日生者多有繼嗣
豐財長壽所失難得其日雨善月在箕宿宜
治河渠種殖華果建立園圃宜出家人自餘
皆凶所失難獲其日生者長壽端正孝順慈
仁月在斗宿不宜忿諍不服新衣收斂祭祀
其日生者孝敬寡言博練衆典失者易得其
日雨善月在牛宿如斗星說月在女宿宜誦
經籍立臣祭祀閱軍出師是日生者少疾多
知聰明孝順其日雨吉所失悉獲月在虛宿
衆事皆善此日生者聰慧多識饒財柔善所

失難得其日有雨於後少水月在危宿宜應
進藥祭祀神祇出財市易宜種麻麥不應遣
使置位殖藥所失易得其日生者性多躁急
月在室宿宜爲凶事傷失難復其日所生豪
貴和睦其性暴急此日雨吉月在壁宿不宜
南行餘事不吉其日生者尊貴長壽名稱高
遠此日有雨所亡滋多月在奎宿宜出金銀
穀麥財物立倉造酒不宜營橋造孽治路和
合香藥著新淨衣其日生者出家修福憐愍
衆生拯救窮乏和協親族其日宜雨所失還
得宜造馬廄月在婁宿宜造温室置立馬廄
調伏車馬出入財賄宜殖禾稼當進妙藥療

治衆病其日生者聰明端正終獲榮寵少病
剛武其日宜雨所失易得月在胃宿宜造凶
事班位宦人不宜嫁娶其日生者強取財貨
多僞少實無量雜惡貪慾諂曲皆集其身所
失難得病難除愈不宜出遊乃至降雨宜祭
神祇大婆羅門吾今更說地動之相汝應善
聽凡地動者必多兵起其一地動三大亦然
三月地動不過一旬當有兵起四月動者亦
如上說五月地動二十五日便有兵起六月
地動七十五日便有兵起七月地動不過百
日便有兵起八月地動至六十月便有兵起
九月地動至九十日便有兵起十月地動五

十五日便有兵起十一月地動不過百日便
有兵起臘月動者如上所說正月地動至九
十日便有兵起二月地動至三十日便有兵
起一歲之中月月地動地動之處城邑空曠
逃走他國或依曠野經十五年而還其家我
今復說月在衆宿地動之相月在昴宿而地
動者火勢熾盛焚燒城邑金銀工作悉皆衰
滅生者盡死月在畢宿而地動者懷孕婦人
胎多夭傷諸果彫落飢饉疾疫刀兵相害死
者甚衆及諸國王亦當衰損月在觜宿若有
地動藥木不茂隱山學士勤祭之人皆當死
滅月在參宿有地動者草木萎死苗稼毀落

行人小王盜賊等死月在井宿而有地動依
山住者工作之人皆悉彫斃月在鬼宿而地
動者賫主軍帥遠行賈客近山諸王皆當亡
滅多於灾雹傷害苗稼月在柳宿而地動者
龍虵蟄虫飛鳥犬獸和合毒者當被傷害月
在七星有地動者諸王有灾祭祀斷絕豪姓
大智作樂者衰月在張宿而地動者四時調
和稅奪人物修戒者衰月在翼宿而地動者
諸賈賈人依山住者并大臣衰月在軫宿而地動
者凡師醫人軍主善筭如斯之等皆當殘毀月
在角宿而地動者如軫所說月在亢宿而地
動者諸有盜賊樂人屠者行客爲馬依山住

又皆當衰滅月在玄宿而有地動山崩木落
惡風暴起雹傷禾稼月在房宿而地動者盜
賊多死諂媚人衰父違子逆不相隨順月在
心宿而地動者大王有灾烏鳥走獸勇健者
衰月在尾宿而地動者二足四足在山穴者
皆當衰於其年荒儉乳者乾枯山石崩倒月
在箕宿而有地動在水諸獸豪姓大富有智
慧者悉皆衰滅月在斗宿而地動者銅鐵鈔
錫造作之者及諸貧賤皆當衰盡村營移徙
月在女宿而地動者王人誦人小國王等皆
當衰滅月在虛宿而地動者聚落分散富人
射又長者等衰月在危宿而地動者象馬諸

畜多有疫死乘御人衰月在室宿而地動者
畜養豬豕屠殺雜類依恃山河凶惡人衰月
在壁宿而地動者修福之人及依水者皆悉
衰滅月在奎宿而地動者刀兵大起損害國
土客強主弱月在婁宿而地動者兄弟相害
胎者夭殤三灾流行大惡雲集月在胃宿而
地動者盜賊多死果木不成餘如前說三大
之相今當分別地動之後於七日中若有赤
雲日月無光流星飛行是名火動非是灾恠
於七日後若有大雨宜多種殖其年豐實無
有灾惡若地動後七日之中雲東西行形似
魚鼈其色正黑隱蔽日月是名水動其年多

水宜殖高田其餘災異如星所說若七日後
有大風起日月光赤是名風動其年兵興不
宜出師火甚熾盛焚燒傷害卯時地動害諸
國王象馬車乘午時動者害諸大臣未時動
者害衆雜畜及種田者酉時動者害諸盜賊
及諸僕使子時動者害貧賤者及與婦人月
初旬動害於賈人中旬動者害豪勝人及童
幼者下旬地動爲災尠少

摩登伽經明時分別品第七

大婆羅門我今更說晝夜分數長短時節汝
當善聽冬十一月其日最短晝夜分別有三
十分晝十二分夜十八分五月夏至日晝十

八分夜十二分八月二月晝夜停等自從五月
月日退夜進至十一月夜退日進至於五月
日夜進退亦一分進亦一分退月朔起於初
月一日其月起於二月一日節氣起春我當
復說刹那分數婦人紡線得長一尋是則名
為刹那時也六十刹那名一羅婆三十羅婆
名為一時此一時者日一分也凡三十分為
一日夜此三十分各有名字日初出分名曰
四月二月一日日初出時人影長於九十六
尋第二影長六十尋第三名富影長十二尋第
四名屋影長六尋五名大富影長五尋六名
三圍影長四尋七名對面影長三尋第八名

共於日正中影共八等第九名尺影長三尋
第十名勢影長四尋十一名勝影長五尋十
二大堅影長六尋十三婆修影十二尋十四
端正影六十尋十五凶惡九十六尋此是一
日十五分名日沒名惡二名星現三名收攝
四名安隱五名無邊第六名忽七名羅刹第
八名眠第九名梵十名地提十一鳥鳴十二
名才十三名六十四影足十五丘聚此是晝
夜三十分名是三十分名一晝夜三十晝夜
名爲一月此十二月名爲一歲大婆羅門今
復說漏刻之法如人瞬頃名一羅婆此四羅
婆名一迦啍四十迦啍名一迦羅三十迦羅

則名一刻如是二刻名爲一分一刻用水盈
滿五升圓筩四寸以承瓶下黃金六銖以爲
此筩漏水五升是名一刻如是時法我已分
別今說里數由旬之法七微塵名一細七細
名一塵七塵爲一兔毛七兔毛名一羊毛七
羊毛名一牛毛七牛毛名曰一蟻七蟻名一
虱七虱名一麥七麥名一指十二指名毗多
悉提二毗多悉提名一肘四肘名一弓千弓
名一聲四聲名一由旬我今復說斤兩輕重
十二麥名一大豆十六大豆名修跋那重十
二銖二十四銖名爲一兩十六兩名爲一斤
二兩名一波羅二波羅名一撮二撮名一掬

六掬名鉢悉他二十四。漢羅名摩伽陀鉢悉
他如是廣說斤兩數法大婆羅門我今復說
月在衆宿病者輕重宜應善聽月在昴宿有
得病者酪飯祭火四日乃愈月在畢宿其得
病者以香祭火五日後愈月在觜宿有得病
者豆糜祭月六日方愈月在參宿有得病者
者當以乳糜祭四道神十日得愈月在井宿
其得病者香華祭日八日得愈月在鬼宿有
得病者華祭歲星五日除愈月在柳宿得病
多死不宜療治月在七星病者至困以胡麻
糜祭其先人八日乃愈月在張宿其得病者
香華祭神六日乃愈至惡難差月在軫宿其

得病者香華祭神五日。陰愈月在角宿其得病者豆糜祭神八日。得愈月在亢宿其得病者極惡難治二十五日。乃可除愈宜華祭神。月在丑宿有病者重經十九日。乃可除愈宜華祭神。月在房宿其有病者經十五日以蘓祭神。乃可得愈。月在心宿有得病者經十三日。極重難治。宜以香華祭天帝。釋乃可得愈。月在尾宿其得病者經三十日。胡麻祭神。乃可除。差月在箕宿病經八日。應以麻糜祭於水。神月在斗宿病經七日。宜以乳糜用祭。諸神月在女宿病至難治。經十二日。華祭山神。乃可除。愈月在虛宿經十三日。宜以酥糜香

華祭神月在危宿病十三日宜酥乳糜粥祭
水神月在室宿病者難治月在壁宿病經七
日華祭竈神然後可愈月在奎宿病者必經
二十八日宜以香華祭於神祇月在婁宿病
者必經二十五日麥粥祭神後可除愈月在
曾宿病者難治是則名爲月在衆宿病輕重相

大婆羅門我今復說月在諸宿被囚執者解
脫遲速月在昴宿被囚執者三日必免畢宿
亦然紫甯星被執二十一日然後得免參十五
日井宿七日鬼宿三日柳三十日七星十六
日張宿十日翼宿七日軫星五日角宿七日
亢宿十日亥二十六日房十九日昏十八日

尾三十六日箕十四日斗女虛危室壁奎宿
皆十四日而後得免婁宿三日胃宿被執難
可得免是則名為月在眾宿繫閉遲速我今
復說黑子之相婦人頂上有靨紫色夫必為
王其色若黑乳間有報夫為將軍眉間有黑
報靨在下經歷五夫衣食不之頰上有黑報
靨在背孤寡歷年夫難可得耳上黑者報靨
在腰強記博識上脣有黑報靨在手為人欺
誑下脣有黑報靨在下性多姪姝不之飲食
頤上黑者在下有報自然餽饒無所乏少大
婆羅門我今復說月會諸宿六月中旬月在
女宿末在七星其一月中晝十七分夜十二

身亦時當樹十二寸表量日中影長於五寸
七月中旬月在室宿未在於翼晝十六分夜
十四分影長八寸八月中旬月在婁宿未
於亢影十三寸晝夜各分爲十五分九月中
旬月在昴宿未在於房影十五寸晝十四分
夜十六分十月中旬月在紫宿未在於箕影
十八寸晝十三分夜十七分十一月中旬月
在鬼宿未在於女中影則有二十一寸晝十
二分夜十八分臘月中旬月在七星未在於
危影十八寸晝十三分夜十七分正月中旬
月在翼宿未在於奎影十五寸晝十四分夜
十六分二月中旬月在角宿未在於胃影十

三寸晝夜十五爲三十分三月中旬月在
宿未在於畢中影十寸晝十六分夜十四分
四月中旬月在心宿未在於參中影七寸晝
十七分夜十三分五月中旬月在箕宿未
在於鬼中影四寸晝十八分夜十二分如是等
名月會宿法我今更說出閏之要於十九年
凡有七閏五年再閏其日五月至於十月盡
皆南行夜增一分晝減一分從十一月至盡
四月皆俱北行晝加一分夜減一分月形增
損由日遠近日月熒惑辰星歲星太白鎮星
是爲七曜其歲星者於十二歲始一周天其
鎮星者二十八歲乃一周天太白歲半始一

周天熒惑二歲始一周天辰星一歲乃一周
天凡歲三百六十五日一周天月三十日
乃一周天此是七曜周天數法我今更說二
十八宿所主之者昴主帝王畢主天下觜主
曠野并及大臣參井亦然柳主龍虵依山住
者七星主於種甘蔗人張主盜賊翼主坐人
軒星主於城內居士角主飛鳥亢主出家修福
之者玄主水人及與虫獸房主賣賈及以御
人心星所主如昴觜說尾主行人箕主乘騎
斗如上說牛主南方赤衣盜賊及戲笑者虛
主中土危主醫巫合塗香者壁星惟主能作
樂者奎主乘舩婁當市馬胃主耕種如是分

別星紀所屬時蓮花實聞是語已贊摩登伽
善哉仁者所言誠諦今以吾女用妻卿子不
須財物可爲婚姻諸婆羅門聞是語已成生
瞋恚而作是言云何以女與此下賤時蓮華
實告弟子言法無二相悉皆同等汝今勿生
憍慢之心語帝勝伽汝可受水當與卿女時
摩登伽成婚姻已歡喜而去佛語比丘時摩
登伽我身是也蓮華實者舍利弗是師子耳
者阿難是也尔時女者今性比丘尼是以於
往昔日曾爲夫妻愛心未息今故隨逐說是
經時六十比丘遠塵離垢得阿羅漢諸婆羅
門得法眼淨佛說是經已波斯匿王及四部

衆歡喜奉行

言

十

摩登伽經卷下

言

膏盖入上七彤華上徒織綬下正宋反躁急則上

到殺反魚既瑩反烏定犉牛上音壓音堰水建上

蚤蚤莫上音種芸下音閱軍悅上音互字

酒孽正下魚列反經藉亦下才睦音恊音廡音

財賄每下呼反霍音臘月上孕反余正目音恊音廡音

疾疫益下于反萎反烏為斃反毗祭軍帥類下所反蟄虫直上

入諂媚二下眉反殄反徒典反鈎錫先上音緣下移徙斯下

紫緒豕下張如反斃反鼈上同并減反翔同朔同

紡線上方反瞬詩閏反卓音卓音用音殊音幾音君音時音

及知物
 及之醫巫
 及活掬
 及音囚
 及似申
 及鳳
 及於
 及類
 及叶
 及



